

ԿԱՐԱՊԵՏ ԵԶՅԱՆ ԵՒ ՆԻԿՈՂԱՅՈՍ ԱՂՈՆՑ

Կարապետ Եզյանը ԺԹ. դարի երկրորդ կեսի և հաջորդ դարասկզբի հայ մրավոր-
մշակության և հասարակական կյանքի երևելի դեմքերից է: Նա կարևորագույն դերա-
կարարություն է ունեցել արևելահայ հասարակական-ազգային կյանքում, եղել ազգա-
յին-պահպանողական հոսանքի պարագլուխը, Նայոց Եկեղեցու հավաքարիմ գավակը¹:
Զբաղեցնելով պետական բարձրագույն պաշտոններ՝ աշխատել է հնարավորին չափ օգ-
րակար լինել հայ դպրոցական ու եկեղեցական կյանքին: Նշանակալից է նրա դերը հա-
յագիտության զարգացման բնագավառում. հրապարակության է պատրաստել միջնա-
դարյան մի շարք արժեքավոր բնագրեր, լույս ընծայել հիանալի ուսումնասիրություններ:
Նրա հեղինակական հոգածության շնորհիվ է, որ փասնյակ երիտասարդ հայեր ուսում են
ստացել Մոսկվայի, Ս. Պետերբուրգի, Դորպատի և արասահմանյան (Բեռլին, Լայպ-
ցիգ, Մյունխեն, Սպրաբուրգ) համալսարաններում: Նախկին կարևոր է Եզյանի
դերն աշխարհահռչակ հայագետ, բյուզանդագետ Նիկողայոս Ադոնցի ճակարագրում:
Դժվար է կոսահել, թե ինչպես կդասավորվեր Ադոնցի սրելոծագործական կյանքը, եթե
նրան իր հովանավորության ներքո զվերցներ Կ. Եզյանը:

1894 թվականին հաջողությամբ ավարտելով Թ-իֆլիսի ռուսական 2-րդ դասական
գիմնազիան՝ Ադոնցի առջև ծառանում է բարձրագույն կրթություն ստանալու հարցը:
Բայց ավելի ծանրը համապարասխան թոշակ ունենալու հարցն էր: Դա մի պարմաշը-
ջան էր, երբ կովկասահայ մեծ ու փոքր հարուստներ, ընկերություններ, հասարակություն-
ներ փարված էին մի կարևոր գաղափարով՝ սերունդ պատրաստել՝ հասարակական
գործիչ, ուսուցիչ, բահանա, մրավորական: Բաքվի և Թ-իֆլիսի շարք մեծահարուստներ
թոշակառու ուսանողներ ունեին ռուսական և արասահմանյան համալսարաններում:
Այդ բնագավառում հափկապես աչքի էր ընկնում ազգային անգուցական բարերար
Ալեքսանդր Մանթաշյանը: Նա թոշակավորում էր միայն այն դեպքում, երբ որևէ հասա-
րակական ու մշակութային գործիչ երաշխավորում էր թոշակի թեկնածուն՝ հիմնավորե-
լով, որ իր առաջադրած անձը ուսում ստանալու դեպքում կարող է պիտանի լինել ազգին
ու եկեղեցուն: Երիտասարդ Ադոնցը, հնարավորություն չունենալով անձամբ դիմելու բա-
րերարին, խնդրում է իր երբեմնի ուսումնակից, ապա ուսուցիչ, Ս. Պետերբուրգի հայկա-
կան եկեղեցիների փեսոս Տիրայր վարդապետ Տեր-Նովիանինյանի (Տիգրան Մելիք-
Մուշկամբարյան)² աջակցությունը: Ինքը՝ Տիրայր վարդապետը, Ադոնցին նվիրված իր

1 Կ. Եզյանի կյանքի, գործունեության, գիտական ժառանգության վերաբերյալ լույս տեսած հոդվածներից
կառանձնացնելիք Երվանդ Շահագիզի («Էջմիածին», 1946, օգոստոս-սեպտեմբեր-հոկտեմբեր, էջ 60-64,
նոյեմբեր-դեկտեմբեր, էջ 43-53), Ս. Բեքուրյանի («Էջմիածին», 1987, Դ., էջ 52-57) և Ն. Նովիանինյանի
(«Պարմա-բանասիրական հանդես», 1998, թ. 1-2, էջ 95-104) հրապարակումները:

2 Տիրայր արքեպ. Տեր-Նովիանինյանը եղել է Նայոց Եկեղեցու նշանավոր գործիչներից, Նոր Նախիջևանի
և Բնասարաբխայի առաջնորդական փոխանորդ, Մայր Աթոռի դիվանապետ, Նյուսխային Ամերիկայի թեմի

անրիպ հուշերում այս մասին գրում է. «Մի օր Թ-իֆլիսից սրացա Ադոնցի հուսակապոր նամակը, որի մեջ արքայապետը էր յուր ջերմ ըղձանքը՝ միջնորդել Ալ. Մանթաշյանին, որ յուր թոշակավոր սաների շարքի մեջ առներ իրեն: Մանթաշյանի հետ հանդիպած էի մի երկու անգամ, սակայն կասկածելով, որ իմ միջնորդությունը կարող է օգտակար չլինել, դիմեցի Արգար Հովհաննիսյանին՝ խնդրելով նրա ազդեցությունը Մանթաշյանի վրա, որի մասին կասկած չունեի»³: Միջնորդությունը հաջողվում է, և Ադոնցը դառնում է Մանթաշյանի թոշակառու: Հարկանշական է, որ այդ օրերի թոշակառու ուսանողները ստանում էին միջինը 25 ռուբլի թոշակ, սակայն Տիրայր վարդապետի միջնորդությամբ Ադոնցին նշանակվում է 45 ռուբլի թոշակ, որով, ճիշդ է, հնարավոր չէր շոայլ լինել, բայց կարելի էր ապրել փանելի պայմաններում և գնել գրքեր:

1894 թ. աշնանը Ադոնցը ժամանում է Ս. Պետերբուրգ և ընդունվում Կայսերական համալսարանի Արեւելյան լեզուների բաժինը: Այս պահից սկսյալ Ադոնցի հովանավորությունը ստանձնում է Կարապետ Եզյանը, որը չափազանց օգտաշատ եղավ փառանդավոր երիտասարդի գիտական հետաքրքրությունները ճիշդ ուղղորդելու գործում: Ուսումնառության փառիներին (1894-1899) Ադոնցը շարունակաբար հանդիպել է Եզյանին, որը նրան ներգրավել է Ս. Պետերբուրգի Հայ եկեղեցական խորհրդի աշխատանքների մեջ, փվել առանձին՝ համայնքային նշանակություն ունեցող հանձնարարություններ: Այդ հանդիպումներն ավելի սերտացրեցին նրանց հարաբերությունները:

1899 թ. Ադոնցն առաջին կարգի դիպրմով ավարտում է համալսարանը: Նրա ավարտական աշխատանքը գնահատվում է «գերազանց», իսկ եղինակը պարգևատրվում է ոսկե մեդալով: Սրացած կրթությունը Ադոնցին թվում էր անբավարար, ուսյն կարծիքին էր նաև Եզյանը: Անհրաժեշտություն է առաջանում դարձյալ դիմելու Ալ. Մանթաշյանին: Այդ պարտականությունն իր վրա է վերցնում Եզյանը, որը 1899 թ. մայիսի 29-ին հապտակ նամակով դիմում է Մանթաշյանին և ներկայացնում իրողությունը.

«Մեծապատիւ

ազնիւ բարեկամ,

Ձեր որդեգիրներից այս տարի աւարտեց Նիկողայոս Ադոնցը: Թէ՛ նորա ուսանողական զբաղմունքները, եւ թէ՛ վերջին քննութիւնները ցոյց տուեցին, որ Ձեր խնամքները վայելել է մի արժանաւոր երիտասարդ, որի ապագա գործունէութիւնը հոստով եմ, արդիւնաւէտ է լինելու:

Այժմ, նորա պրոֆեսորները կարեւոր են համարում, որ Ադոնցը երկու-երեք տարով Եւրոպա անցկացնի՝ կատարելագործուելու իւր մասնագիտութեան մէջ:

Դուք, որ չէք խնայել նորանից ցարդ Ձեր խնամքը, մի՛ խնայեցէք եւ այժմ: Ուստի դիմում եմ Ձեզ, օգտուելով Ձեր՝ ինձ տուած իրաւունքից,

առաջնորդ: Նրա մասին մանրամասն փնտրելու համար «Նշանավոր ճեմարանականներ», պրակ 2, Ս. Էջմիածին, 2009, էջ 443-448:

3 Տ. Ն. Տեր-Հովհաննիսյան (Տիգրան Հովսեփի Մելիք-Մուշկամբարյան), Հուշեր Նիկողայոս Ադոնցի մասին, Չարենցի անվ. գրականության և արվեստի թանգարան, ֆ. 161, թ. 45 գ:



Կարապետ Եզյան



Նիկողայոս Ադոնց

եւ առաջարկում եմ կարգադրութիւն անել այդ մասին: Ձեզ լաւ յայտնի է, որ արտասահմանում ուսանող երիտասարդի ապրուստը աւելի թանկ է, ուստի եւ հարկաւոր կլինի ամսական մոտ 100 ռուբլի գումար, որի մէջ է մտնում ե՛ւ ուսման վարձը, ե՛ւ գրքերը: Բացի սորանից, Ադոնցը կարիք ունի սկզբնական ծախքերի համար դրամի՝ թէ՛ ճանապարհածախսի համար գործածելու եւ թէ՛ հագուստեղէն կարել տալու եւ մնացած պարտքերը վճարելու: Առ այս պարտք է առնուած երեք հարիւր ռուբլի: Կ. Էզով»⁴:

Այ. Մանթաշյանը առանց հապաղելու հայրնում է իր դրական որոշման մասին.

«Ի 7 յունիսի 1899 թ.

Մեծապատիւ եւ հարգելի Գերասիմ

Արտեմիչ ի Պետերբուրգ,

Ստանալով Ձեր 29 մայիսի նամակը՝ հէնց այս բոլէիս շտապում եմ Ձեզ պատասխանել:

Իմ արտասահմանու սաներու տալիս եմ բոլորին 50 ռուբլի ամիսն, բայց որովհետեւ գտնում էք Դուք, որ Նիկողայոսն աւելի պէտք է ստանայ, ուրեմն դորան նշանակում եմ ամիսն 80 ռուբլի 2 տարի ժամանակով, որ իւր ուսումն վերջացնէ եւ վերադառնայ այդտեղ: Իսկ սկզբնական ծախքերուն համար նշանակեցի 400 ռուբլի: Նամակիս հետ ուղարկում եմ կարտոչկաս, Նիկողայոսն կերթայ եւ կստանայ խոջաէյնաթեանից⁵:

Սիրելի Գերասիմ Արտեմիչ, խնդրեմ ներես, որ իմ սաներն Ձեզ այսքան գլխացաւութիւններ են տալիս եւ նամակներ են գրել տալիս Ձեզ ինձ մօտ»⁶:

Ունենալով Մանթաշյանի թոշակն ու վայելելով Կ. Եզյանի հովանավորությունը՝ 1899 թ. օգոստոսին Ադոնցը մեկնում է արքայապետին: Եզյանի հետ նախապես պայմանավորված ծրագրի համաձայն՝ Ադոնցը նախ հաստատվում է Մյունխենում: Այսպէս նա հեղինակում է նշանավոր բյուզանդագետ Կարլ Կրումբախերի դասընթացներին, կարարելագործում իր գերմաներենն ու հին հունարենը:

Ա. Մանթաշյանի Թիֆլիսի գրասենյակը 3 ամիսը մեկ կանոնավորապես Ադոնցին էր ուղարկում հասանելի թոշակը (240 ռուբլի): Սակայն կեցության և ուսման ծախսերի թանկացման հետևանքով այդ գումարն այլևս չէր բավականացնում: Ադոնցը ստիպված էր 1900 թվականի համար Եզյանի միջնորդությամբ բարերարից խնդրել նա լրացուցիչ 250 ռուբլի: Կ. Եզյանին ուղղված մայիսի 12-ի նամակում նա մանրամասն ներկայացնում

4 ՏՃԱԱ, Կ. Եզյանի թողուն, ֆ. 58, ց. 2, գ. 1056, թ. 25 (միկրոֆիլմ):

5 Հավանաբար խոսքը Ս. Պետրեբուրգում Մանթաշյանի գործակալ Ալեքսանդր Խոջա-Էյնաթովի մասին է:

6 ՏՃԱԱ, Կ. Եզյանի թողուն, ֆ. 58, ց. 2, գ. 1056, թ. 22 (միկրոֆիլմ):

է իր անելանելի վիճակը՝ շեշտելով, որ թեև ինքը 80 ռուբլի թոշակ է ստանում, սակայն Մյունխենում կյանքն այնքան թանկ է, որ դա մոտավորապես Պերերբուրգի 30 ռուբլին է, և որ ինքը չի կարողանում շարունակել իր ուսումնառությունը. ունի պարտքեր և այդ պարտքերը մարելու համար իրեն անհրաժեշտ է եւս 250 ռուբլի⁷:

Ճիշտ ըմբռնելով Ադոնցի վիճակի ծանրությունը՝ Եգյանը նրա խնդրանքն անմիջապես ներկայացնում է Մանթաշյանին: Իր հերթին վերջինս էլ 1900 թ. մայիսի 26-ին անհապաղ պարասխանում է.

«Ամենայարգելի Գերասիմ Արտեմիչ,

Ձեր նամակն ստանալով՝ իսկոյն Ադոնցին ուղարկեցի 250 ռուբլի»⁸:

Ադոնցի վիճակը կարգավորվեց և անգամ հնարավորություն ունեցավ զբաղվելու գիտական աշխատանքով: Այդ ժամանակ է, որ նա հեղինակեց բյուզանդագիտական իր առաջին, մեծ հերաքրքրություն ներկայացնող «Կասիա միանձնուհին և հայերը» ուսումնասիրությունը⁹:

1900 թ. հոկտեմբերին նա արեղափոխվում է Փարիզ: Այստեղ հետևում է համբավավոր Շառլ Դիլի բյուզանդագիտական, Անտուան Մեյեի համեմատական լեզվագիտության, և Օգյուստ Կարիերի ասորերենի դասընթացներին, օրնիբուն պարապում է Ազգային գրադարանում, ծանոթանում այստեղ պահվող հայերեն գրչագրերին: Ծրագրի համաձայն՝ Ադոնցը Փարիզում պետք է մնար մինչև 1901 թ. աշունը, որից հետո անցնելու էր Անգլիա և մի քանի ամիս այնտեղ մնալուց հետո վերադառնալով Պերերբուրգ՝ 1902 թ. գարնանը ներկայացնելու էր մագիստրոսական աշխատանքը¹⁰: Սակայն արդի ունեցավ անսպասելին, որն Ադոնցի բոլոր ծրագրերն է չիք էր դարձնում:

1900 թ. դեկտեմբերի 31-ի նամակով Ադոնցը խնդրում է հեղաձգել իր ուսումնառությունը եւս մեկ տարով: Ներեւաբար խնդրում է, որ Մանթաշյանը շարունակի ֆինանսավորել իր ուսումնառությունը¹¹:

Ա. Եգյանն սքիպված էր դարձյալ միջնորդել, ու Մանթաշյանն էլ դարձյալ ընդառաջում է այդ միջնորդությանը և շարունակում ֆինանսավորել Ադոնցի արտասահմանյան ուսումնառությունը՝ ժամկետ սահմանելով մինչև 1902 թ. հունիսը: Նխանալի գիտակցելով Եգյանի նշանակալից դերը որպես գիտնականի իր կայացման գործում՝ Ադոնցը չի վարանում դա անվանել բախրավորություն, ճակարագիր, նախախնամություն: 1902 թ. մարտի 8-ին Լոնդոնից Եգյանին ուղղված նամակում երիտասարդ գիտնականը հավաստիացնում է. *«Հայտնում եմ վերստին շնորհակալությունս եւ խնդրում հավաստի լինել, որ ուրիշ բան չունիմ աչքիս առաջ, եթե ոչ կոչմանս*

7 Պ. Ն. Նակոբյան, Նիկողայոս Ադոնցի նամակներից. «Լրաբեր», ՆոսՄՏ ԳԱ (հասարակ. գիտ.), 1975, թ 11, էջ 93-95:

8 ՆԱ, Ա. Եգյանի թողուն, ֆ. 58, ց. 2, գ. 1056, թ. 23:

9 Տե՛ս «Նանդեւ ամսօրեայ», 1901, թ. 5-6, էջ 129-132:

10 Աշխատանքի խորագիրը նախապես ձեակերպված էր «Նայասրանի պարմությունն ու հայերի ճակարագիրը Բյուզանդիայում. Է-Ը դարեր», հետագայում խմբագրվեց որպես՝ «Նայասրանը Նոստրինիանոսի դարաշրջանում»:

11 Պ. Ն. Նակոբյան, նշվ. աշխ., էջ 100-101:

գլխակցութիւնն ու հավատարմութիւնը: Լիազույս եմ, որ պարտքերս կատարելու գործում Ձեր աջակցութիւնն ու քաղցրահայեցողութիւնը պիտի լինի ինձ գորեղ կռիւն, որի համար կմնամ Ձեզ երախտագետ եւ միշտ անձնվեր

Ն. Ադոնց»¹²:

Ս. Պերերբուրգ վերադառնալուց անմիջապէս հեղուկ Ադոնցը մասնակցում է ուսումնական փարեվերջի քննություններին եւ մեծ հաջողությամբ հանձնում հայկական բանասիրության մագիստրոսի կոչում ստանալու քննությունները: Ֆակուլտետի գիտական խորհուրդը, ուսուցչակերպ Ն. Մառի երաշխավորությամբ, առանձին որոշմամբ նրան ժամկետ է տալիս մինչեւ 1904 թ. վերջերը պաշտպանության ներկայացնելու մագիստրոսական թեզը: Այդ աշխատանքի հետ կապված բոլոր ծախսերը՝ թե գիտական, թե՛ տնտեսական եւ թե՛ կենցաղային, իր վրա է վերցնում ֆակուլտետը: Իսկ Եգյանի հետ համագործակցությունը շարունակվում է Եկեղեցական խորհրդի շրջանակում, որի անդամ Ադոնցն ընտրվում է 1904 թ. դարձյալ Եգյանի միջնորդությամբ: Բայց նրանց համագործակցությանը վիճակված չէր երկար շարունակվելու, քանզի 1905 թ. մայիսի 31-ին Եգյանը վախճանվեց:

Ներագա ամբողջ կյանքի ընթացքում Ադոնցը խորին երախտագիտությամբ ու պարկառուքով է վերաբերվել իր մեծ բարեկամի հիշատակին: Փարիզյան տարագրության շրջանում՝ 1927 թ. հունիսի 12-ին ելույթ ունենալով Մանասարյան վարժարանի շրջանավարտ սաների միության կազմակերպած երեկոյթին՝ Ադոնցը առանձնակի ուշադրություն է հրավիրում Կարապետ Եգյանի գործունեության վրա՝ շեշտելով, թե նա «կարեւոր արժէք է եղած ռուսահայ իրականության մեջ, իբրեւ կրթական ու հանրային գործիչ»¹³: Իսկ 1928 թ. հունիսի 2-ին Կ. Եգյանի մահվան փարեվիցի առթիվ Մանասարյան միության հրավիրած հիշատակի երեկոյին հանդես է գալիս ընդարձակ զեկուցումով, որտեղ հավուր պարզաճի է գնահատում Եգյանի վիթխարի դերը ԺԹ. դարի երկրորդ կեսի եւ Ի. դարի սկզբների հայ իրականության մեջ¹⁴:

1935 թ. լրանում է Եգյանի ծննդյան 100-ամյակը: Ն. Ադոնցը հոգու պարտք է համարում այդ առթիվ հանդես գալ հարուկ հոգովածով: Թերեւս փարակուսելի է հոգվածը ռուսերեն լեզվով գրելու հանգամանքը. հավանաբար այն նախապեսված է եղել ռուսալեզու մասնում տպագրվելու համար: Նոյվածը, որի ինքնագիրը պահվում է Նամագային Բեյրութի գրական պահոցի պրոֆեսոր Նիկողայոս Ադոնցի ֆոնդում (պահարան I, գրքոց Է., թղթածրար Ա.-8, թթ. 1-12), հայերեն է թարգմանել Օ. Ս. Վարդապարյանը: Տպագրվում է առաջին անգամ:

ՊԵՏՐՈՍ ՀՈՎՆԱՆՆԻՍՅԱՆ

¹² Անդ, էջ 111:

¹³ «Յառաջ», օրաթերթ, Փարիզ, 1927, 16 հունիսի:

¹⁴ Անդ, 1928, 7 հունիսի:

ՆԻԿՈՂԱՅՈՍ ԱԴՈՆՑ

ԿԱՐԱՊԵՏ [ՀԱՐՈՒԹՅՈՒՆԻ] ԵԶՈՎ (ԵԶՅԱՆ)

Կ. Հ. Եզովը¹ ծնվել է 1834 թ. սեպտեմբերի 5-ին Մոսկվայում: 1852 թ. ոսկե մեդալով ավարտել է Արեւելյան լեզուների Լազարյան ճեմարանը (Մոսկվա) եւ երկու տարի անց՝ Սանկտ-Պետերբուրգի Համալսարանի արեւելյան լեզուների ֆակուլտետը եւ արժանացել Հայերենագիտութեան ամբիոնի մագիստրոսի գիտական կոչման²: Նրա հայրը Մոսկվայում մանր առեւտրական էր, որն ամուսնացած էր Նոր Նախիջեւանցի մի հայուհու՝ Կիստովայի հետ:

Կարապետ Եզովն ուներ երկու քույր՝ Մարիա եւ Աննա, եւ եղբայր՝ Իվան (Հովհաննես): Մարիան ամուսնացած էր իրենց հեռավոր ազգական Բ. Վ. Բողդանովի հետ: Նրանց երեխաներին Եզովը վերաբերվում էր իբրեւ իր սեփական երեխաների եւ մեծապես աջակցում նրանց ուսումնառութեանը³: Նրա ջանքերի շնորհիվ այս ընտանիքի անդամները, չնայած ապրում էին Ս. Պետերբուրգում եւ կրթություն էին ստացել ռուսական ուսումնական հաստատություններում, սահուն խոսում էին հայերեն: Աննան մշտապես ապրում էր Կարապետ Եզովի հետ եւ վարում էր նրա տնտեսությունը: Նրանց եղբայրը՝ Հովհաննեսը, նույնպես ավարտել էր Արեւելյան լեզուների Լազարյան ճեմարանը, որից հետո ընդունվել Ս. Պետերբուրգի Ռազմա-բժշկական ակադեմիան: Հովհաննեսի՝ ակադեմիան ավարտելուց հետո, չնայած նյութական միջոցների սղութեան, Կ. Եզովը նրան ուղարկել է արտասահման մասնագիտության մեջ կատարելագործվելու: Արտասահմանից վերադառնալով Ս. Պետերբուրգ՝ Հովհաննես Եզովն իր ոլորտում մեծ համբավ եւ հեղինակություն է ձեռք բերել, այնպես որ Պետերբուրգյան հայտնի բժիշկների կողմից հաճախ հրավիրվում էր խորհրդատվության: Որպես հատկանշական երեւույթ կարելի է նշել այն, որ նա հայերին բուժում էր անվճար:

1854 թ. նոյեմբերին Կ. Եզովը պետական ծառայության է ընդունվում Ս. Պետերբուրգի նահանգային վարչաթյունում, որտեղից շուտով տեղափոխվում է Ներքին գործոց նախարարության հոգեւոր գործերի

եւ օտար դավանությունների դեպարտամենտ: Այստեղ նա հասել է բաժնի պետի աստիճանի: 1888 թ. նշանակվել է ժողովրդական կրթության նախարարության դեպարտամենտի փոխտնօրեն, իսկ 1891 թ.՝ ժողովրդական կրթության Գլխավոր կոմիտեի եւ Գիտական խորհրդի անդամ: Զբաղեցրած պաշտոնների բերումով նա մշտապես հրավիրվել է Գիտությունների ակադեմիայի նիստերին, ուստի եւ անդամակցում էր բազմաթիվ գիտական ընկերությունների⁴, այդ թվում՝ «Հին հուշարձանների ուսումնասիրության» հանձնաժողովին, որի նախագահն էր կոմս Ս. Դ. Շերեմետևը: Պետական անբասիր ծառայության համար պարգևատրվել է բազմաթիվ շքանշաններով, այդ թվում՝ բարձրագույններից՝ «Սպիտակ արծվի Աստղ»-ով եւ հասել Պետական իսկական գաղտնի խորհրդականի ամենաբարձր կոչմանը: 1904 թ. ժողովրդական կրթության նախարարության անդամները նշեցին նրա պետական ծառայության հիստորամյա հոբելյանը: Առաջին օրը Եզովը պաշտոնական շնորհավորանքներ էր ընդունում մի շարք բարձր աստիճանավորներից եւ զանազան կառավարական հաստատությունների պաշտոնյաներից: Հանդիսավոր շքահամագլխատով նրան շնորհավորելու եկան կոմս Վ. Ն. Կոկովցեւը (այդ ժամանակ Ֆինանսների նախարար, հետագայում՝ վարչապետ), ժողովրդական կրթության նախարար գեներալ-համհարզ Գլազովը, Արդարադատության փոխնախարար Շմեմանը, ծերակուտականներ Անիչկովը, Մամոնտովը եւ այլք, ինչպես եւ ժողովրդական կրթության նախարարության ավագ պաշտոյաններն ամբողջ կազմով: Հոբելյանի երկրորդ օրը հատկացված էր Ս. Պետերբուրգի հայ համայնքի, բարեկամների եւ համակիրների շնորհավորանքներին: Դրանք սկսվեցին նրանից, որ Ստեփան Մամիկոնյանը⁵ հանդիսավորությամբ ընթերցեց Ամենայն Հայոց Կաթողիկոս Մկրտիչ Ա. Խրիմյան Հայրիկի կոնդակը, որում Եզովը նմանեցվում էր արծվի⁶: Այնուհետեւ ընթերցվեցին մի շարք ուղերձներ տարբեր հայաբնակ քաղաքների, ինչպես նաեւ շատ ջերմ եւ սրտառու է՝ Մոսկվայի, հայկական համայնքներից:

Ավարտելով Կ. Եզովի պաշտոնական գործունեության վերաբերյալ սույն համառոտ ակնարկը, փորձենք ներկայացնել նաեւ նրա հասարակական եւ անձնական կյանքը: Հոր մահվանից հետո Կ. Եզովի ընտանիքը զրկվեց կենսամիջոցներից, եւ նա ստիպված եղավ հոգալ ամբողջ ընտանիքի կարիքները: Ընդունվելով պետական ծառայության՝ նա հար-

կադրված էր իր ընտանիքը Մոսկվայից տեղափոխել Ս. Պետերբուրգ։ Բնակվելով Ս. Պետերբուրգում, նա մի պանսիոն բացեց, որը բացառապես հայորդիներին նախապատրաստում էր ինչպես միջնակարգ դպրոց (գլխավորապես), այնպես էլ բարձրագույն ուսումնական հաստատություններ ընդունվելու համար։ Նրա պանսիոնում կրթություն ստացած անձանցից հարկ է նշել Գրիգոր Արծրունուն, Աբգար Հովհաննիսյանին, Լեոն Տիգրանյանին (Մկրտիչ Սանասարյանի ազգականին), Մադաթյանին եւ այլոց։ Նրա աշակերտների մեջ կային այնպիսիները, որ հետագայում բարձրագույն պաշտոններ ստանձնեցին կառավարական տարբեր հիմնարկություններում։ Օրինակ, հաղորդակցության ուղիների նախկին փոխնախարար Գրիգորի Բուդագովը⁷։ Շաբաթ օրերին Եզովը հավաքում էր իր սաներին, որոնց հետ կապված էր բարեկամական ու ջերմ հարաբերություններով, եւ նրանց հասակակիցներին՝ ազգային կյանքի զանազան հարցերի քննարկման համար։ Քննարկումները եւ բանավեճերն ընթանում էին բացառապես հայերենով։ Դրանով էր բացատրվում իր պանսիոնն ավարտած երիտասարդների հայոց լեզվի հոյակապ իմացությունը՝ թեեւ նրանք բնակվում էին Ռուսաստանում։ Այդ ժամանակվանից Եզովի անունը մեծ համբավ ձեռք բերեց հայերի շրջանում։ Նրա շուրջը կազմավորվեց հայազգի գործիչների մի հիանալի խումբ՝ կոմս Միքայել Լորիս-Մելիքովը, պրոֆեսոր Քերովը, Պատկանովը, մեծահարուստներ Մկրտիչ Սանասարյանը⁸, Հովսեփ Իզմիրյանցը⁹ եւ այլք։ Հետզհետե Եզովի բնակարանը վերածվեց մի կենտրոնի, ուր ձգտում էր Ս. Պետերբուրգ ժամանած ցանկացած հայ եւ ամեն ոք, որ ուներ որեւէ կարիք կամ խորհրդի անհրաժեշտություն, մշտապես դիմում էր նրան։ Յուրաքանչյուր հայի Եզովը ընդունում էր ամենայն բարյացակամությամբ՝ անտեսելով նույնիսկ ճաշի կամ հանգստի ժամերը։ Առանձնապես հատուկ ջերմությամբ էր ընդունում Հայաստանից եւ Կովկասից ժամանած հայ երիտասարդներին։ Շնորհիվ իր բացառիկ հեղինակություն, որ նա վայելում էր ժողովրդական կրթության նախարարության ոլորտում, նա կարողանում էր բազմաթիվ երիտասարդ հայերի տեղավորել բարձրագույն ուսումնական հաստատություններում, որտեղ, ի դեպ, շատ դժվար էր ընդունվել մեծ մրցակցության պատճառով։ Սակայն մի պայման էր դրվում. որպեսզի Եզովը միջամտեր կամ մասնակցություն ունենար այս կամ այն հայ երիտասարդի ճակատագրին, այդ երիտասար-

դը պետք է պարտադիր տիրապետեր հայերենին: Հակառակ դեպքում նա մերժում էր աջակցության բոլոր խնդրանքները՝ խիստ նախատելով դիմողին մայրենի լեզվի չիմացության համար: Ինքը՝ Կ. Եզովը, Արեւելյան լեզուների Լազարյան ճեմարանն ավարտելուց հետո, թեեւ հիանալի տիրապետում էր հայերենին, բայց իր գիտելիքները բավարար չէր համարում եւ արդեն հասուն տարիքում սկսեց ջանադրաբար ուսումնասիրել այն եւ հասավ կատարյալ իմացության: Եզովը միշտ ասում էր, թե բավական չէ լինել լավ մարդ, այլեւ պետք է լինել լավ հայ՝ սիրել իր ազգը եւ հայերի մեջ ամրապնդել ազգային ոգին: Ընդհանրապես հարկ է նշել, որ Եզովի բնակարանը միշտ բաց էր հայերի համար եւ յուրաքանչյուրը օգտվում էր ոչ միայն նրա հյուրընկալությունից, այլեւ, եթե կարիքը կար, որեւէ պետական հաստատություն ծառայության ընդունվելու համար՝ նրա աջակցությունից: Հատկապես նրա բնակարանը մարդաշատ էր պահքի ավարտին, Սուրբ Ծննդի եւ Զատիկի նախօրեին, երբ նրան այցելում էին ոչ միայն անձամբ իր հետ ծանոթ ուսանողներ, այլեւ նրանց ընկերներն ու մտերիմները, որոնցից շատերին Եզովը առաջին անգամ էր տեսնում¹⁰:

Այժմ անցնենք նրա եւ նրա մերձավոր բարեկամների միջեւ հաստատված հարաբերություններին: Երբ 1878 թ., ռուս-թուրքական պատերազմից քիչ առաջ կոմս Մ. Լորիս-Մելիքովը եկավ Ս. Պետերբուրգ, Եզովի անձի մասին նրա ականջին հասան ամենահիացական կարծիքներ: Ուստի նա ցանկություն հայտնեց ծանոթանալու նրա հետ, իսկ հետագայում այնքան մտերմացավ, որ պատերազմի նախօրեին որոշեց ընտանիքը Վիսբադենից տեղափոխել Ս. Պետերբուրգ եւ ռազմական գործողությունների սկսվելուց հետո այն վստահեց Եզովի հոգածությանը: Այդ ժամանակվանից Եզովը դառնում է ինչպես իր իսկ՝ կոմս Լորիս-Մելիքովի, այնպես էլ նրա ամբողջ ընտանիքի ամենամերձավոր բարեկամը: Ռուս-թուրքական պատերազմի ավարտից հետո Եզովը մշտապես եւ անկաշկանդ այցելում էր կոմս Լորիս-Մելիքովին, որը, լինելով Ալեքսանդր II կայսեր օրոք Գերագույն կարգադրիչ հանձնաժողովի նախագահ՝ դիվտատորական իրավասություններով (պաշտոն, որը չի զբաղեցրել եւ ոչ մի պետական գործիչ ո՛չ նրանից առաջ, եւ ո՛չ էլ հետո), Եզովին իրազեկ էր դարձնում պետական բոլոր գաղտնիքներին եւ գործերին: Այսպես, օրինակ, մի սովորական այցելության ժամանակ կոմսը թվարկել էր այն

նախարարների անուանները, որոնք պետք է պաշտոնանկ արվեին: Իսկ երբ 1881 թ. Ալեքսանդր II-ը սպանվեց, Եզովը ամբողջ օր ու գիշեր անցկացրեց Լորիս-Մելիքովի հետ, որը, հույս ցնցված լինելով այդ իրողությամբ, կարիք ուներ այնպիսի մտերիմ մարդու ներկայություն, ինչպիսին էր Կ. Եզովը:

Կ. Եզովը մտերիմ էր հատկապես Մկրտիչ Սանասարյանի հետ: Մ. Սանասարյանը, ռուսական բանակի նախկին սպան, թեև բարձրագույն կրթություն չէր ստացել, բայց ի ծնե խելացի էր, ինչը նրան հնարավորություն տվեց տարբեր մասնավոր ընկերություններում զբաղեցնելու տնօրենի պաշտոն¹¹: Դրա շնորհիվ նրան հաջողվեց իր համեմատաբար համեստ դրամագլուխը հասցնել պատկառելի կապիտալի: Մ. Սանասարյանը ոչ միայն հարգում էր Եզովին, այլև շատ նվիրված էր նրան, եւ նույնիսկ աստվածացնում էր: Ցանկացած մտահղացում, որ Եզովն առաջարկում էր նրան, Սանասարյանն ընդունում էր դրանք՝ բարեհաջող արդյունքի ակնկալությամբ: Հետաքրքիր է, որ նա որեւիցե քայլ չէր ձեռնարկում, մինչեւ չստանար Եզովի հավանությունը: Եւ Կ. Եզովն օգտվելով իր մեծագույն ազդեցությունից՝ նրան ներշնչել էր այն միտքը, որ պետք է դրամագլուխ կտակել դեռ կենդանության օրոք, եւ ոչ թե մահվանից հետո, քանի որ միայն այդ դեպքում նվիրատուն կկարողանար ուրախությամբ հետեւել հաջող ընթացքին այն գործի, որի համար նա նվիրաբերել էր իր դրամական միջոցները: Դրանով է գլխավորապես բացատրվում այն, որ ի կենդանության Սանասարյանը նվիրաբերել է իր դրամագլուխը Էրզրումում (Կարին) հայկական վարժարան հիմնելու համար¹², որն իր պատվին կոչվեց «Սանասարյան»¹³: Այդ վարժարանի հիմնադրումը բացառապես Կ. Եզովի նախաձեռնությունն էր. նրան էր պատկանում նաեւ ուսումնական հաստատությունը հենց Տաճկահայաստանում հիմնադրելու գաղափարը: Եզովը միանգամայն համոզված էր, որ ինչքան էլ հայերը հալածված լինեին թուրքերի կողմից, պետք է ամեն գնով նրանց մեջ վառ պահել հայկական ոգին: Իսկ ամենից լավ դա կարող էր անել միայն դպրոցը: Մ. Սանասարյանի համաձայնությամբ Եզովը հրավիրեց վաստակավոր անձանց, որոնք համալրեցին այդ վարժարանի ուսուցչական կազմը. մինչ օրս կենդանի Գեւորգ Աբուլյանին, Հովսեփ Մադաթյանին, Սարգիս Սողիկյանին (այժմ մահացած) եւ էլի ուրիշները: Իր նախաձեռնությամբ այս անձինք ուղարկվեցին

Գերմանիա ուսումնական գործի կազմակերպումն ուսումնասիրելու եւ կրթությունը շարունակելու համար: Եզովին էր պատկանում նաեւ այն միտքը, որ Սանասարյան վարժարանում պետք է դասավանդվեն զանազան արհեստներ ու արվեստներ, քանի որ Հայաստանը մեծ կարիք ուներ տարբեր արհեստների ու արվեստների գիտակ մասնագետների: Այսպիսով, այս գործի կազմակերպչական կողմը հոգում էր Եզովը, եւ Սանասարյանը չէր միջամտում, քանի որ լիովին վստահում էր նրան: Դժվար է պատկերացնել ավելի սրտառուչ եւ հայրական վերաբերմունք, քան այն, որ Եզովը դրսեւորում էր Սանասարյան վարժարանի նկատմամբ, եւ որը կարելի է համեմատել ամենասիրված երեխայի նկատմամբ ծնողական զգացմունքների հետ: Հետագա ամբողջ կյանքի ընթացքում Եզովն ամենայն ուշադրությամբ հետեւում էր այդ վարժարանի աշխատանքներին: Կարինից նրան ուղարկում էին հաշվետվություններ, որոնք անձամբ ինքն էր ուսումնասիրում՝ դրանց վրա հաճախ անցկացնելով ամբողջ գիշերներ: Յուրաքանչյուր հարուստ հայի, որ ժամանում էր Ս. Պետերբուրգ, նա ասում էր. «Ահա՛ մի գործ, որին պետք է աջակցել, եւ որի համար հարկ է դրամ հատկացնել»: Անձամբ Եզովը համոզեց իր այրի մորաքրոջը՝ Նոր Նախիջեւանցի Կազաչկովային [Մարիամ Կազաչկյանց], որ իր պատկառելի դրամագլուխը կտակի Սանասարյան վարժարանին, չնայած նրան, որ իրենց ընդհանուր ազգականները նույնպես դրամի խիստ կարիք ունեին: Համաձայն Սանասարյանի թողած կտակի, կտակարար էր նշանակվել Կ. Եզովը, իսկ նրա մահվանից հետո Սանասարյան վարժարանի տնօրինությունը պետք է անցներ հատուկ հոգաբարձու խորհուրդին՝ Կ. Պոլսի պատրիարքի (այդ ժամանակ՝ Մաղաքիա արքեպ. Օրմանյանի) նախագահությամբ: Հոգաբարձու խորհուրդը կազմված էր վեց անդամներից եւ երեք թեկնածուներից, ընդ որում նախագահի փոխանորդն այստեղ Օսմանյան կայսրության պետական բարձր աստիճանավոր Գաբրիել Նորատունկյանն էր: Կ. Եզովի մերձավոր բարեկամների թվին էր պատկանում մեծ հայրենասեր եւ բարեգործ Հովսեփ Աբրահամի Իզմիրյանցը: Եզովի նախաձեռնությամբ ամեն կիրակի պատարագից հետո Իզմիրյանցի մոտ էին հավաքվում հայկական համայնքի մեծավորները՝ ազգային եւ քաղաքական կյանքի զանազան հարցեր քննարկելու համար: Կ. Եզովի խորհրդով Հ. Իզմիրյանցը 12.000 ոսկի ռուբլու դրամագլուխ կտակեց այն պայմանով, որ

այդ գումարից ստացած տոկոսն իբրեւ մրցանակ տրվի լեզվաբանություն
եւ գրականության հարցերին նվիրված, հայերենով շարադրված լավագույն
երկասիրություն համար¹⁴: Այդ դրամագլխի տնօրինությունը եւ
պարգևատրությունների շնորհումը վստահված էր հատուկ հոգաբարձու
խորհրդի՝ Կ. Պոլսի հայոց պատրիարքի նախագահությունը: Նշված-
ներն ակնհայտորեն վկայում են այն մասին, որ Եզովը տաճկահայերի
նկատմամբ հատուկ վերաբերմունք ուներ, եւ, ինչպես կարելի էր հաս-
կանալ իր իսկ խոսքերից, այս ամենն արվում էր նրա համար, որպեսզի
նրանց մոտ վառ պահվեր հայոց լեզուն եւ հայրենասիրական ոգին: Նա
շատ էր հուզվում եւ սրտին մոտ ընդունում Տաճկահայաստանում կա-
տարվող յուրաքանչյուր դժբախտություն:

Երբ 1890-ական թվականներին Տաճկահայաստանում տեղի ունեցավ
Սասունի առաջին կոտորածը, Եզովն անմիջապես արձագանքեց այդ
աղետին: Այն ժամանակվա ռուս լավագույն կատարողների մասնակ-
ցությամբ նա մայրաքաղաքում ճոխ համերգ կազմակերպեց: Համերգից
հավաքված հասույթը կազմեց մի պատկառելի գումար, որն անմիջա-
պես ուղարկվեց կոտորածից տուժածներին օգնության: Այդ պահից ի
վեր նա սկսեց հետեւել Տաճկահայաստանում կատարվող իրադարձու-
թյուններին եւ բոլոր աղետները, որ տեղի էին ունենում այնտեղ, ընդու-
նում էր խորը վշտով եւ ձեռնարկում էր այս կամ այն միջոցառումն
արեւմտահայերին օգնելու համար: Սակայն սրանով բնավ չի սահմա-
նափակվում Եզովի հասարակական գործունեությունը: Նա վիթխարի
ազդեցություն ուներ ինչպես հայոց ազգային, այնպես էլ քաղաքական
եւ ամբողջ հոգեւոր կյանքի վրա: Եզովը ծավալուն նամակագրությու-
ն է վարել իր օրերի բոլոր Ամենայն Հայոց կաթողիկոսների հետ, սկսած
Գեւորգ Դ.-ից մինչեւ Խրիմյան Հայրիկը: Բացի այդ, Եզովը նամակա-
գրություն ուներ Կ. Պոլսի պատրիարք Մաղաքիա արքեպ. Օրմանյանի եւ
այլ երեւելի արքեպիսկոպոսների, այդ թվում Գաբրիել Այվազովսկու եւ
այլոց հետ: Էջմիածնի [Գեւորգյան] ճեմարանի հիմնարկների կապակ-
ցությամբ հատուկ նամակագրություն է ունեցել Գեւորգ Դ.-ի հետ, որի
կազմակերպմանը նա գործունե մասնակցություն է ունեցել: Այս նամա-
կագրությունն ամբողջությամբ պահպանվել եւ այժմ գտնվում է Ռու-
սաստանի Գիտությունների ակադեմիայում՝ պրոֆեսոր Նիկողայոս Մա-
ռի հսկողության ներքո:

Երբ ռուսական կառավարության կարգադրությամբ Թիֆլիսում փակվեցին հայկական ուսումնական հաստատությունները՝ այն է ներսիսյան դպրոցը եւ Անանյան վարժարանը, Եզովի համառ ու հետեւողական միջնորդության շնորհիվ որոշ ժամանակ անց դրանք դարձյալ վերաբացվեցին¹⁵: 1900-ական թվականների սկզբին՝ 1903 թ., երբ Կովկասի փոխարքա Գր. Գուլիցինի օրոք ռուսական կառավարությունը բռնադրավեց Կովկասի հայկական եկեղեցիներին եւ վանքերին պատկանող գույքը, գլխավորապես Եզովի երկարատեւ եւ համառ գործունեության շնորհիվ, որ ծավալվում էր Ս. Պետերբուրգում կառավարության ազդեցիկ անդամների միջնորդությամբ, հաջողվեց հասնել նրան, որ խլված գույքը ետ վերադարձվեց: Այս իրողությունը շատ քչերին է հայտնի:

Վերջապես, հարկ է նշել նաեւ այն կարեւոր փաստը, որ վիթխարի նշանակություն ունեւ Ս. Պետերբուրգի եւ Մոսկվայի հայերի համար: Բանն այն է, որ Ս. Պետերբուրգի եւ Մոսկվայի հայկական եկեղեցիները կառուցվել են Լազարյանների կողմից՝ այն Լազարյանների, որոնք Մոսկվայում հիմնեցին Արեւելյան լեզուների Լազարյան ճեմարանը: Եւ քանի որ իշխան Սիմեոն Աբամելիք-Լազարյանն ամուսնացած էր Լազարյանների տոհմի մի աղջկա հետ, ապա Ս. Պետերբուրգի եւ Մոսկվայի հայկական եկեղեցական գույքը բացառապես տնօրինում էր Աբամելիք-Լազարյանների ընտանիքը, իսկ ծխականներին, հակառակ նրան, ինչ ընդունված էր այլ քաղաքներում, արգելվում էր մասնակցել դրանց կառավարմանը: Սակայն երկարատեւ ջանքեր թափելուց հետո Եզովին հաջողվեց հասնել նրան, որ այս եկեղեցիների կառավարումն ստանձնեցին ծխականները: Այդ ժամանակ մշակված եւ օրենքով ամրագրված կարգով ընդունվեց մի հատուկ դրույթ Մոսկվայի եւ Ս. Պետերբուրգի հայկական եկեղեցիների մասին, որի համաձայն՝ վերոհիշյալ եկեղեցիների գույքն ու եկամուտները պետք է տնօրինեն հատուկ եկեղեցական խորհուրդը, որի նախագահ դարձավ իշխան Ս. Աբամելիք-Լազարյանը, որն իր տեղակալին նշանակում էր ծխականներից: Երկար ժամանակ այդպիսի տեղակալ, եւ, ըստ էության, գործնականում նախագահն էր Եզովը: Նրա նախաձեռնությամբ է, որ բացի Լազարյան թոշակից, Լազարյան ճեմարանում հիմնվեցին նաեւ մի շարք նոր թոշակներ, որոնք շնորհվում էին Ս. Պետերբուրգի հայկական եկեղեցական խորհրդի կողմից¹⁶:

Ավարտելով, մնում է ասել, որ չնայած նրան, որ Եզովն ստիպված էր

զգալի ժամանակ հատկացնել ծառայողական ու համայնքային պարտականություններին, նա ժամանակ էլը գտնում զբաղվելու նաեւ ազգային պատմությունը վերաբերող զանազան ուսումնասիրություններով: Այդ բնագավառում նա ունի աշխատությունների մի ամբողջ շարք, որոնցից մի քանիսը հրատարակվել են, իսկ մյուսները մնացել են անտիպ¹⁷: Վերջիններս պահպանվում են նույն այն նամակագրության հետ, որը, ինչպես վերը նշվեց, գտնվում է Լենինգրադում, Գիտությունների ակադեմիայում: Վերջին՝ հուլիսի ստվարածավալ աշխատությունը, որը պարունակում է բազմաթիվ արժեքավոր վավերագրեր, հրատարակվել է «Պետրոս Մեծի հարաբերությունները հայ ժողովրդի հետ» վերտառությամբ. [Փաստաթղթեր քաղված Ռուսաստանի Արտաքին գործոց նախարարության Մոսկվայի Գլխավոր եւ Ս. Պետերբուրգի արխիվներից, Ավստրիական արքունական եւ պետական արխիվներից, Բավարական թագավորական գաղտնի պետական արխիվից եւ այլ հիմնարկությունների արխիվներից (Ս. Պետերբուրգ, 1898)]: Այս գիրքը Եզովն անձամբ է ընծայել նախկին կայսր Նիկոլայ II-ին, որպեսզի, ինչպես ինքն էր ասում. «Նիկոլայ II-ը իմանար, թե իր նախորդները ինչպիսի բարյացակամություններ էին վերաբերվում հայ ժողովրդին»¹⁸:

Կարապետ Եզովը վախճանվեց 1905 թ. [մայիսի 31-ին] 70 տարեկան հասակում, կրճահեղձուկից [ստենոկարդիա]:

ԾԱՆՈԹԱԳՐՈՒԹՅՈՒՆՆԵՐ

1. Բնագրում՝ «Г. А. Езов = Герасим Артемьевич» թարգմանությունում անվանաձևն ամենուր դարձրել ենք Կարապետ Հարությունի:

2. Որոշ ժամանակ Եզյանն սրանձնել է նաև հայոց լեզվի ամբիոնի վարիչի պարտականությունները:

3. Նավանաբար նրանց դուստրերն էին այն Մանուշակ և Շուշանիկ Բողդանյան թույրերը, որոնք Եզյանի գիտական ղեկավարությամբ հրապարակության էին պատրաստել ԺԹ. դարի ռուսական 248 անուն թերթերում և ամսագրերում տպագրված հայերին և Հայաստանին վերաբերող հոդվածների մատենագիտական մի ցանկ (2586 միավոր): Ցավոք, չափազանց արժեքավոր այդ աշխատանքի հետագա ճակատագիրն անհայտ է: Միայն ստույգ է, որ Կ. Եզյանը փորձել է այն տպագրել Էջմիածնում, սակայն ապարդյուն [տե՛ս **Յուրի Վարդանյան**, Մեսրոպ Տեր-Մովսիսյանի նամակները Կարապետ Եզյանին. «Արաբեր» (հասարակ. գիտ.), 1977, թ. 10, էջ 98, 100]: Այս մատենագիտական ցանկի մասին տե՛ս նաև «Известия Императорской Академии наук», СПб., 1916. հմմտ. «Армянский вестник», М., 1916, թ. 22, էջ 17:

4. Որպես պատմաբան-արեւելագետ՝ Եզովը լայն ճանաչում ուներ Ռուսաստանում: Արեւելագետների միջազգային գիտաժողովներում նա հաճախ էր ներկայացնում ռուսական արեւելագիտությունը և հանդես գալիս գիտական զեկուցումներով: Եւ պատահական չէ, որ նա ռուսական և եւրոպական արեւելագիտական մի շարք ընկերությունների անդամ էր:

5. Սյուեիան Մամիկոնյան (1859-1921) - ռուսահայ նշանավոր հասարակական ու մշակութային գործիչ, իրավաբան: Նկարագրում Մոսկվայի հայկական կոմիտեի նախագահ:

6. Տե՛ս տեղեկավորությունը՝ «Կոնդակ օրհնության Կարապետ Եզեանցի 50-ամեայ յոբելեանի առթիւ». «Արարատ», 1904, էջ 919:

7. Գրգորի Բուդագով (1852-1921) - ճարտարագետ, կամրջաշինարար, պետական գաղտնի խորհրդական, Ռուսական կայսրության երկաթուղային հաղորդակցության փոխնախարար:

8. Մկրտիչ Մանասարյան (1818-1890) - մեծապուն, ազգային բարերար: Նրա տրամադրած դրամական միջոցներով են բացվել Վանի Մարիամյան օրհորդաց վարժարանը, Վանի նահանգի հարակոնիս, Նուխի գավառի Նիժ և Վարդաշեն գյուղերի դպրոցները, Կարինի Սանասարյան կրթարանը, աջակցել է Գեորգյան ճեմարանի հիմնադրմանը:

9. Նովսեփ Իզմիրյանց (1817-1883) - մեծապուն, ազգային բարերար: Պարբերաբար նվիրավորություններ է կատարել ազգային ամենաբարբեր հաստատություններին՝ եկեղեցուն, դպրոցին, մասնավորապես Գեորգյան ճեմարանին: Հայոց լեզվի և պատմության լավագույն աշխատությունների համար սահմանել է դրամական պարկառելի մրցանակ (տե՛ս «Արարատ» 1875, էջ 114-115, 149-153, 1880, էջ 40-41, 1881, էջ 332 և այլն): Նովսեփ Իզմիրյանցի կրակի վերաբերյալ մանրամասն տե՛ս **Կ. Եզյանց**, Յովսեփ Իզմիրեանցի կրակը և նրա կատարումը. «Արարատ», 1889, էջ 661-668:

10. Պանսիոնի սաներից Ալ. Երիցյանը վկայում է, որ Ս. Պետրեբուրգի հայ երիտասարդներին միավորողը և ուղղություն փոխող Կ. Եզյանի ընտանիքն էր. «Եզեանցի մայրը և թույրը իրենց

սիրայիր և գթասիրաբար ընդունելություններով շատերին մոռացնել էին փուռ ընդանիքի և բարեկամների կարօքը: Այսպես շատերն են օգնություն ստացել, սփոփուել և մխիթարուել, այսպես շատերն են բարի խորհուրդներ լսել և պաշտպանություն գտել: Վերջապես այսպես շատերն են սովորել ճանաչել իրենց պարտականությունները դեպի ընկերը, դեպի ընդանիքը, հայրենիքը և հասարակությունը: Եւ անա պարոն Եզեանի փունը դարձել էր մի գրաւիչ կենսաբան մայրաքաղաքի հայ ուսանողության համար» [յրէն **Ադ. Երիցեանց**, Գրիգոր Արծրունու և նրա քսանը հինգ փարոսայ գրական գործունէութեան առիթով (1865-1890), Թիֆլիս, 1890, էջ 52. հմմտ. **Վլ. Բ. Բարխուդարյան**, Մոսկվայի և Պետերբուրգի հայկական գաղութների պատմություն (XVIII դարի կես - XX դարի սկիզբ), Երևան, 2010, էջ 168-169]:

11. Մկրտիչ Սանասարյանը եղել է Ս. Պետերբուրգի շոգենաւային ընկերության փնօրենների խորհրդի անդամ, երկար փարիներ ղեկավարել «Վուզա -Կասպից ծով -Պարսկաստան շոգենաւային հաղորդակցության ընկերություն»-ը և այլն:

12. Դպրոցի կանոնավոր գործառնան համար Սանասարյանը կպակել է նաեւ «268.428 ռուբլու փողոսաբեր արժեթղթեր, որոնք բոլսային գներով այն ժամանակ կազմում էին մոլորաբաւա 345.000 ռուբլի» (յրէն «Մշակ», 1890, 8 նոյեմբերի, թ. 102): Բացի այդ, «Նա թողել է 202.894 ռուբլու ոչ ժամկետանց և 52.391 ռուբլու ժամկետանց պարտամուրհակներ» (յրէն **Երվանդ Հահագիզ**, Կարապետ Եզյան, Մկրտիչ Սանասարյան, Լեւոն Տիգրանյան. «Էջմիածին», 1946, նոյեմբեր-դեկտեմբեր, էջ 47): Եզյանի խորհրդով Սանասարյանը Կ. Պոլսի պապիրարք Մաղաթիա արք. Օրմանյանին 2000 ռուբլի է պորամադրել վարժարանի համար կալվածք գնելու (յրէն «Արարաբ», 1904, էջ 919): Ինքը՝ Եզյանը, Սանասարյան վարժարանին է կրակել 40.000 ոսկի ռուբլի և իր ճոխ գրադարանը: Սանասարյան վարժարանին նվիրաբերված կրակների մասին ւրէն. «Ա. Հիմնական կանոնադրութիւն Սանասարեան վարժարանի: Բ. Կրակագիր Մկրտիչ Սանասարեանցի: Գ. Կրակագիր փիկին Մարիամ Մարտիրոսեան Կազակեանցի: Կրակագիր բարեյիշատակ Կարապետ Եզեանցի», Կ. Պոլիս, 1910:

13. Սանասարյան դպրոցն իր պարապմունքներն սկսել է 1881 թ. հոկտեմբերի 1-ին: Ուսման փետողությունը 9 փարի էր, կից գործում էր երկու փարվա ծրագրով ուսուցիչների վերապարտասւման դասընթաց:

14. Խոսքը Սահակ-Մեսրոպյան գրական մրցանակաբաշխության մասին է:

15. Ցարական կառավարությունը հայկական դպրոցները փակել է երկու անգամ՝ 1885 թ. սկզբին (մոտ 300 դպրոց) և 1896 թ. հունվարին (230 դպրոց):

16. Ս. Պետերբուրգի Հայոց եկեղեցական խորհրդի, նրա եկամուտների ու ծախսերի, դերի և նշանակության մասին մանրամասն ւրէն **Վլ. Բ. Բարխուդարյանի** նշվ. աշխ., էջ 65-100:

17. Կ. Եզյանի երկասիրությունների վերաբերյալ մարենազիտական ցանկեր չկան: Այսպես ներկայացնում ենք նրա՝ մեզ հայրնի աշխատությունների համառոր մարենազիտությունը.

1. «Об учении персидских магов. Сочинение Езника, армянского писателя V в.», ւրէն «Журнал Министерства народного просвещения», 1858, N 1, январь, из 247-287, N 4, апрель, էջ 15-32. ւրէն նաեւ ամանձին գրքով (СПб., 1859):

2. «Об изучении в Европе армянского языка, истории и литературы», ւրէն «Современник», 1858, т. 68, отдел II, էջ 257-264:

3. «Армянская журналистика в России», փն «Современник», 1858, т. 70, отдел II, էջ 135-136:

4. «Внутренний быт древней Армении:», СПб., 1859.

5. «Ներքին կեանք հին Հայաստանի: Պարմրանական քննութիւն», ռուսերէն բնագրից թարգմանեց Պեղո Պոռշեանը, Շուշի, 1864:

6. «Բռնի միութիւն Հայոց Լեւաստանի ընդ եկեղեցոյն Հռովմայ. Ժամանակակից յիշարարարանք», Ս. Պետերբուրգ, 1884:

7. «Պարմութիւն Ղեւոնդեայ Մեծն վարդապետի Հայոց», առաջաբանը (80 էջ), Ս. Պետերբուրգ, 1887:

8. «Յովսէփ Իգմիրեանցի կրակը եւ նորա կարարումը». փն «Արարար», 1889, էջ 661-668:

9. «Երոպական լեզուներով գրուած գրքեր եւ յօդուածներ հայերի եւ Հայաստանի մասին». փն «Հանդէս գրական եւ պարմական», Մոսկուա, 1890, գիրք 3, էջ 1-14 (յաւելում):

10. «Յովհաննու Դարդեղի Ժամանակագրութիւն Հայոց», առաջաբանը (81 էջ), Ս. Պետերբուրգ, 1891:

11. Aperçu de l'étude de la langue arménienne en Europe (Actes du 8—Congrès Inter. des Orientalistes. Partie 3, sect .2, fasc. 1) Leide, 1892.

12. «Сношения Петра Великого с Армянским народом: Документы, առաջաբանը (150 էջ), СПб., 1898.

13. «Начало сношения Эчмиадзинского патриаршего перестола с русским правительством. Историческое исследование по неизданным документам». փն «Кавказский вестник», Тифлис, 1901, թ. 10. փն նույնը առանձին գրքով (Тифлис, 1901):

14. «Ս. Էջմիածնի Մայր Աթոռի եւ ռուսաց կառավարութեան յարաբերութիւնների ծագումը». փն «Լումայ», Թիֆլիս, 1904, սեպտեմբեր-հոկտեմբեր, թ. 5, էջ 5-24, թ. 6, էջ 23-43. փն նույնը առանձին գրքով (Թիֆլիս, 1904):

Կ. Եզյանի պարմագիրական ժառանգութեան ընդհանուր բնութագիրը փն **Ն. Ժ. Նովհան-նիսյան**, Հայագիրությունը Ռուսաստանում (պարմագիրություն. XIX դար), Երեւան, 2004, էջ 327-353:

18. Որպէս բնաբան Եզյանն ընկրել է Պետրոս Մեծի՝ առ հայ ժողովուրդը հայրնի ուղերձի հերելյալ հարվածը.

«...понеже Мы оной Армянской народъ въ
особливую Нашу Императорскую милость
и протекцію приняли»
Ноября 10 дня 1724 г.
ПЕТРЪ».